

o we tes grozen leides
o in vñ och tes kleides
wil sin gebet niht mere
hie mit weinte er sore

das er vor leide niht enaz
alle den tac do ditz geschach
sin leidic tvoren im vbrach
krist in der naht als er sint iach
waner in erlichen sach
o it keiserlichen wizen
ob d' sunnē sitzen
vñ sinem haupte ein kruc was
lieht vñ schone als ein glas
swaz eren was an in geleit

doch so hete er an das kleit
das peter e dem armen gab
vñ sprach alsus zo im her ab
peter durch was bist du vnvro
vñ hast geweint also
vmbē not die niht enurret dich
tu vñ din augen vñ sich
an mich wanich han din kleit
das din barmherzikeit
o ir gap wuchs begerte

sin eren was harte not
die kelce vñ not bot
wan ich swerlich gnuo

din goter wille mir ez trok
ter ez wol wirdic mahte
do peter tes entwachte
do profte er als ein wise mā
mit auren vñ hie dar an

swaz im got hete for geleit
Intwanc sin hohe reinkett
das er ersuoftzte harte
sin gedanken er do karte
in im vñ solche kere
o sprach er welch ein ere
ter mensche vñ den hende hat
ter durch got hie arm gat

ein richer mac wol geton
do ist der arme gotes sun
wan er vtreit vaterlich sin leit
swaz man durch barmh'zikeit
ten armen gibt das nimt zehant
ter gute got mit siner hant
vñ hilfet sinem kinde
ditz ist ein heulic gesinde
selic muoz er immer wesen
swer im das leben hat erlesen
vñ durch got wil arm sin
hie nach sol ter wille min

herre got nu laz mich leben
vñ immer hie zst' ver
Ich muoge e das erwerben